

প্রায়শ্চিত্ত ।

‘ভাগবত’

৩য় বর্ষ সাহিত্য শাখা

সহরতলীর উপর দিয়ে একটা সঙ্কীর্ণ পথ এঁকে বেঁকে চ’লে গিয়ে নিকটেই এক বিশাল মাঠের বুকে আপন অস্তিত্ব হারিয়ে ফেলেছে। এই পথেই সকাল হ’লে খোঁটা গোয়ালারা তাদের মহিষগুলোকে সেই মাঠে চরাতে নিয়ে যায়। রোজই যায়।

সেদিন সকাল বেলা সার’ বেঁধে টলতে টলতে মহিষের দল চলেছে মুখ নীচু করে। তাদের পাঁজরার হাড়গুলো বিদ্রোহ করেছে। চামড়া খানা নিজের সমস্ত স্থূলত্ব দিয়েও তাদিকে ঢেকে রাখতে পারছে না। কাদা জল মাখা তাদের সর্বত্র গোয়ালের পরিচ্ছন্নতার পরিচয় দিচ্ছে।

অকস্মাৎ একটা মহিষের পিঠে এক ঘা বক্শিষ পড়লো চলতে না পারার দরুণ। দলের অপরাপর মহিষগুলো স্ব স্ব ক্রটি সংশোধন করে নিয়ে ছ’পা জোরেই চলো। সে পেছিয়ে পড়লো ও গৌ ধরে সেইখানেই দাঁড়িয়ে রৈলো।

প্রচুর ক্ষমতা ও শাসনদণ্ড হাতে থাকলে এবং কোনো একটু সুর্যোগ দেখা দিলে খুব কম লোকই তার ষোলআনা সদ্যবহার থেকে নিজেকে বিরত রাখতে পারে। কাজেই তার পিঠে বেশ ভারী ওজনের আরও কয়েক ঘা পড়লো। তারপর মহিষটা ঘুরে পড়ে গেল। কিন্তু এতেই ত শেষ নয়। তার পিঠে লাঠীর গুঁতো ও নাকে জল ঢেলে দেওয়া হ’ল। তবু সে উঠলো না।

পথচলতি লোক সবাই দাঁড়িয়ে অবাক হয়ে দেখছিল আর মহিষ জাতির বুদ্ধিহীনতার ও গোঁয়ার্তুমির আলোচনা ও নিন্দা করছিল। কিন্তু সমব্যথীর কাছে কোন কিছু গোপন রাখা যায় না। হঠাৎ তাই মনে হ'ল কেন এই পালিত নিরীহ পশুর নিষ্ফল বিদ্রোহ।

তার নাক দিয়ে মুখ দিয়ে শব্দে ফেনা বেরুচ্ছিল। সে গোঁ গোঁ শব্দ ক'রে বললে—চলতে পারছি নে বলে তুমি মারলে। কিন্তু এতে আমার অপরাধ কি? কাল মাঠে গিয়ে কোথাও তেমন ঘাস পাই নি। পেটের জ্বালায় একটা ডোবার ধারে এক হাঁটু জলে দাঁড়িয়ে কল্মীদাম খেতে গেলুম—সারা গায় চার পাঁচটা বড় বড় জোঁক লাগলো। কত যন্ত্রণা দিলে। তুমি দেখলে না। খাওয়াও হ'ল না। তেমনি ক্ষুধা নিয়ে আর সেই যন্ত্রণা নিয়ে গোয়ালে ফিরে এলুম। সেখানেও কিছু খাবার দিলে না। পেটের জ্বালায়, মশার কামড়ে সারারাত ঘুমতে পাইনি। খালি পেটে কি ঘুম আসে? গায়ে বল নেই, চলতে পারি না বলে মারলে। গায়ে বল নেই--দোষ কার? সমস্ত দুধটুকু ছুয়ে নেবে নিঃশেষ করে। বজ্রটানে দেহের সমস্ত শিরার রক্তে টান ধরাও। বাচ্ছাগুলোর জন্তে এক বিন্দুও অবশেষ রাখ না। বাচ্ছারা খেতে না পেয়ে ডিগু ডিগু করছে। আধমরা হয়ে রয়েছে। তাদের রোগ হলে লক্ষ্য কর না, মরা বাঁচা লক্ষ্য কর না—লক্ষ্য কর চামড়া খানার দিকে। দুধ বেচে নিজের সংসার রাঙিয়ে তুলছ, আর আমাদের খাবার নেই।

তার গোঁ গোঁ শব্দ থেমে গেল, সে বিমূঢ়ে লাগলো। মনে হল ছেলে বেলায় ঠাকুরমায়ের মুখে শোনা “মইষে বিল” এর গল্প। সে বিলে নাকি একটা মহিষ থাকতো—সে ভারী দস্তি ছিল। নিকটে তার কেউ ঘেসতে পারত না; তার অত্যাচারে চাষারা সেখানে চাষ আবাদ করতেই পারতো না। সমস্ত বিলটায় তার আধিপত্য ছিল। সে নাকি শিঙা দিয়ে কত মানুষ ফেড়ে ফেলেছিল।

তার চেখ দুটো উন্টে গেল। মনটা ব্যথায় ভরে উঠলো।
ভাবলুম পরাধীনতার আত্মগানি তার এই পশুমনটাকেও এমনভাবে
ব্যথিয়ে তুলেছে যে সে অনায়াসে নিজের জীবন দিয়ে, স্বজাতীয়গণের
বশত্যাঞ্জনিত পূর্বকৃত অপরাধের যোগ্য প্রায়শ্চিত্ত করলে। বিশ্ব
নিয়তাকে জিজ্ঞাসা করলুম—এই নীরব অভিমান, করুণ অভিযোগ,
প্রাণান্ত সত্যগ্রহের সংবাদ তোমার কানে পৌঁছুল কি ?
